

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 494710 25 St
Tuzla, 20.05.2026. godine

OPĆINSKI SUD U TUZLI, sudija Vedran Milašinović razmatrajući prijedlog predlagača stečajnog dužnika SANDAL STIL d.o.o. za proizvodnju, trgovinu i usluge Gradačac, ul. Požaričkih branilaca b.b., van ročišta donio je dana 20.05.2026. godine sljedeće:

R J E Š E N J E

JAVNO SE POZIVAJU predlagač, povjerioci i sva zainteresovana lica da u roku od 30 (trideset) dana od dana objavljivanja rješenja u Službenim novinama F BiH predlože otvaranje stečajnog postupka i na žiro-račun Suda, broj: 132-100-03091233-91 NLB banka dd Sarajevo, predujme iznos od 2.273,60 KM (dvijehiljadedvjestotinesedamdesettrikonvertibilnihmaraka i 60/100), na ime obezbjeđenja troškova stečajnog postupka, te da dokaz o izvršenoj uplati dostave sudu pozivom na broj predmeta.

Ukoliko stečajni dužnik kao predlagač ili neko od zainteresovanih lica ne uplati navedeni iznos predujma u ostavljenom roku uz dostavu dokaza o uplati sudu pozivom na broj predmeta, sud će o prijedlogu za otvaranje stečajnog postupka odlučiti u skladu sa odredbama Zakona o stečaju.

Rješenje će biti objavljeno u Službenim novinama F BiH, web stranci suda i oglasnoj ploči suda.

O b r a z l o ž e n j e

Sud je dana 26.11.2025. godine pokrenuo prethodni postupak radi utvrđivanja uslova za otvaranje stečajnog postupka nad imovinom privrednog društva SANDAL STIL d.o.o. za proizvodnju, trgovinu i usluge Gradačac, ul. Požaričkih branilaca b.b., a za privremenog stečajnog upravnika imenovan je Kenan Ibrahimović iz Brčkog. Dana 19.03.2026. godine privremeni stečajni upravnik je dostavio izvještaj o provedenom prethodnom postupku.

Iz izvještaja privremenog stečajnog upravnika i navoda datih na ročištu proizilazi da je društvo osnovano radi proizvodnje obuće, da je od te djelatnosti ostvarivalo prihode do 31.12.2019. godine kada je prestalo obavljati djelatnost. Bankovni računi društva su blokirani dana 28.07.2023. godine. iz uvjerenja poreznih organa proizilazi da društvo ima obaveza prema PU F BiH u iznosu od 96.902,28 KM, a prema UIO BiH u iznosu od 42.264,95 KM. U dostupnim bilansima stanja na dan 31.12.2024. godine nisu iskazane obaveze, odnosno predati su finansijski izvještaji sa nulama, tako da bi se tačan iznos obaveza mogao utvrditi tek u slučaju otvaranja stečajnog postupka. na dan otvaranja prethodnog postupka društvo nije imalo zaposlenika. Društvo u svom vlasništvu nema nepokretnosti (što je potkrijepljeno i provjerom stanja u zemljišnoj knjizi i katastru) nema pokretnih stvari uz napomenu da je društvo u evidencijama MUP-a evidentirano kao posjednik TMV marke Fiat godina proizvodnje 1999. s tim da je zastupnik društva dostavio rješenje MUP TK od 24.08.2009. godine kojim se iz evidencije briše navedeno vozilo jer nakon isteka registracije nije podnesen zahtjev za produženje iste a prema izjavi zastupnika vozilo je rashodovano i predato na otpad. Društvo nema ni bilo kakve imovine iz koje bi se finansirali troškovi stečaja i namirili povjerioci.

Stečajni dužnik a što proizilazi iz izvještaja i mišljenja privremenog stečajnog upravnika nije u roku od 60 dana od dana nastupanja platežne nesposobnosti podnio prijedlog za otvaranje stečajnog postupka (prijedlog podnesen 03.10.2025. godine, a računi blokirani dana 28.07.2023. godine).

Ispitujući prijedlog za pokretanje stečajnog postupka sud je utvrdio da je prijedlog za otvaranje stečajnog postupka dopušten i osnovan obzirom da je stečajni dužnik platežno nesposoban.

Cijeneći da su ispunjeni uslovi za otvaranje stečajnog postupka, a nakon provedenog prethodnog postupka i dostavljenog izvještaja privremenog stečajnog upravnika, te da je utvrđeno da stečajni dužnik nema imovine za podmirenje obaveza, sud je u smislu odredbe čl. 102 stav 7. Zakona o stečaju pozvao dužnika, povjerioci i sva zainteresovana lica da izvrši uplatu troškova finansiranja stečajnog postupka u visini od 2.273,60 KM iz kojih sredstava će biti finansirani svi troškovi stečajnog postupka (nagrada i naknada stečajnom upravniku, objavljivanje rješenja u službenim novinama, izrada pečata za društvo u stečaju, podnošenja finasijskih izvještaja nadležnim institucijama sve do postupka brisanja društva dužnika iz sudskog registra privrednih društava, procjena imovine odstrane ovlaštenih vještaka, objava oglasa za unovčenje imovine i drugo), obzirom da prema prijavi privremenog stečajnog upravnika društvo ne posjeduje imovinu.

Ukoliko predlagač, povjerioci ili neko od zainteresovanih lica u ostavljenom roku ne predlože otvaranje stečajnog postupka i izvrše uplatu predujma troškova za vođenje stečajnog postupka, sud će otvoriti stečajni postupak i odmah ga zaključiti u skladu sa odredbama člana 102.stav 8. Zakona o stečaju.

Odluka o dostavi rješenja i javnom oglašavanju putem oglasne ploče suda, WEB stranice Općinskog suda u Tuzli i javnog objavljivanja u Sl. Novina F BiH, zasniva se na odredbi člana 103. stav 8. Zakona o stečaju.

SUDIJA
Vedran Milašinović

POUKA O PRAVNOM LIJEKU: Protiv ovog rješenja nije dozvoljena žalba.